

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historiae ecclesiasticae saeculi ... XVI supplementum

Fecht, Johann

Francofurti et Spirae, 1684

VD17 VD17 3:315948Z

CXXXVII.

[urn:nbn:de:bsz:31-122751](https://nbn-resolving.org/urn:nbn:de:bsz:31-122751)

Rex, deinceps Janitor sit, Exercitibus Gog & Magog, invadendi & opprimendi Germaniam, & sic accelerandi ultimi & secundi adventus sui. Illustriſſimus Princeps Julius Dominos meos invitavit ad Baptiſmum nuper nati filii Principis: Illi eò miſerunt quendam ex præfectis, inſtructum amplo honorario. Epiſcopo Auguſtano defuncto ſucceſſit quidam ex nobili familia Knöringeniſium, priorem longè ſuperans, odio erga veram Religionem. Bene & feliciter anima & corpore vale, Clariffime Vir, frater chariffime, meque & meos tibi & deinceps commendatos habe. Saluta reverenter uxorem ſeu potius, propriè loquendo, Magiſtram tuam, aut Magiſtrum. Vixi ego hæcenus in abſentia uxoris meæ, gaudens utroque gladio & titulo, Doctoris ſcilicet & Magiſtri: Sed valde mihi metuo, ne ſecundum ipſâ adveniente cogar vel invitus reſignare. Miſereatur ergò & tui & mei Deus Optimus Maximus & clementer concedat nobis, hoc uxorium Magiſtrale Imperium patienter ferre. Denuò vale, Vir Ornaſſime. Raptim Ulmæ, 20. Junii, Anſio 73.

Excellent. & Humanitatis T.

ſtudioſiſſimus & addictiſſimus

Rabus, D.

CXXXVII.

Salutem in Domino.

ETſi, Clariffime vir, obſervande in Domino frater, vel pater potius, fore exiſtimo, ut intra paucos dies R. tuam Argentinæ videam, tamen quia Reverendiſſi D. Præpoſitus Denckendorfenſis, affinis meus chariſſimus, vereretur, ne forte non eodem tempore R. tuam Argentinæ convenire poſſemus, petiit, ut ipſius filium, quem ſecum adducet Argentinam, R. tuæ commendarem per literas. Quid petat Reverendus D. Præpoſitus (unus ex præcipuis hujus Ducatus Prælatiſ) ipſe coram exponet; id nimirum, R. tua uti operam det, quò filius erudito & pio pædagogò commendetur, qui & ſtudia ejus rectè regat, & mores formet, & qui authoritate ſua eum totum gubernet. Magnam ille in R. tua ſpem habet neque dubitat, quin ea de præceptore idoneo adoleſcenti rectè proſpicere poſſit. Et valde probantur optimo viro ſtudia Argentinæ Academiæ, in qua & bonæ literæ florent, & diſciplina viget, quæ duæ rationes ipſum impulerunt, ut filium Argentinæ ad tempus literis operam dare velit. Quare ſi quid ea in re R. tua potèſt, potèſt autem plurimum, quaſo det operam, ut Reverendus Dominus Præpoſitus ſentiat, meam commendationem ſibi uſui fuiſſe. Reliqua DO-
MI-

MINO volente brevi coram. Data raptim Sturgardiæ, 22. Junii, Anno salutaris, 1573.

Tua R.

studiosissimus

Lucas Ofiander, D.

CXXXIIX.

Salutem in Christo.

Quid ad me scribat D. D. Sulzerus, ex inclusis literis intelliges. Quem ego etiam lubens juvissem. Sed propter omnium rerum caritatem & studiorum paucitatem, illi locus apud nos esse non potuit. Quapropter Argentoratum cum esset iturus, rogavit, ut illi literis D. Sulzeri frui liceret, & easdem meis inclusas tibi transmitterem, quod negare non potui. Facias ergo pro pietate tua, & erga studiosos pauperes amore & benevolentia. Quod Filius DEI agnoscat & in comiciis suis prædicabit. Bene & feliciter vale. Raptim Tubingæ, Calend. Julii, 1573.

Tuus ex animo frater

Jacobus Andrea, D.

CXXXIX.

Scriberem sæpius, vir ornatissime & charissime frater, si quid offerretur, quo te vel oblectare possem, aut utiliter certiore facere. Verum illud non sinit horum temporum fatalis calamitas, hoc verò quia nihil magnopere incidit apud nos saltem, quod non prius abundè sit cognitum tibi. Eodem enim versatur in statu Ecclesia & Schola, vigilamus pro vitili, & progredimur, quo licet, non quo volumus pede. De vestro paroxysmo non desinimus benè sperare, fore ut aliquando exitu nequaquam sinistro terminetur, nec dubitamus, divina providentia decisionem finalem suspendi, dum medio nemini hæcenus fortè præviso, aut præcogitato benigna in sedem vice restituantur, ut incolumitatem habeat schola, sicut per DEI gratiam habet Ecclesia, patientia autem interea opus est, qua possidentur animæ, nec moram esse longam putetis, in qua periculi nihil, consilii verò plurimum fuerit. Si quid inciderit, gratum erit, si me feceris certiore. Profectus in mense Majo in patriam